



TOSHKENT VILOYATI BO‘STONLIQ TUMAN HOKIMI Q A R O R I

2022 - yil 21 - may

100-10-136-Q/22

Bo‘stonliq tuman hokimligi

Ijtimoiy muhofazaga muhtoj va ish topishda qiynalayotgan shaxslarni ishga joylashtirish uchun ish o‘rinlarini 2022-yil uchun band qilib qo‘yish to‘g‘risida

O‘zbekiston Respublikasining “Aholi bandligi to‘g‘risida”gi Qonunining (Qonun hujjatlari ma’lumotlari milliy bazasi, 20.10.2020-y., 03/20/642/1396-son; 02.04.2021-y., 03/21/681/0264-son; Qonunchilik ma’lumotlari milliy bazasi, 21.04.2021-y., 03/21/683/0375-son; 14.03.2022-y., 03/22/759/0213-son) 39-moddasi, O‘zbekiston Respublikasining “Nogironligi bo‘lgan shaxslarning huquqlari to‘g‘risida”gi Qonunining (Qonun hujjatlari ma’lumotlari milliy bazasi, 15.10.2020-y., 03/20/641/1389-son; Qonunchilik ma’lumotlari milliy bazasi, 21.04.2021-y., 03/21/683/0375-son) 43-moddasi, O‘zbekiston Respublikasi Vazirlar Mahkamasining 2017-yil 5-dekabrda 965-son qarori bilan tasdiqlangan Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o‘rinlarining eng kam sonini belgilash va zaxiraga qo‘yish tartibi to‘g‘risida nizomga asosan tumanda 2022-yil uchun ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslar uchun ish o‘rinlarining eng kam soni belgilash maqsadida,

QAROR QILAMAN:

1. O‘zbekiston Respublikasi “Aholi bandligi to‘g‘risida”gi Qonunning 39-moddasiga asosan ijtimoiy muhofazaga muhtoj va ish topishda qiynaladigan shaxslarni ishga joylashtirish uchun tumandagi korxona, tashkilot va muassasalar

uchun xodimlarning ro'yxat bo'yicha o'rtacha sonidan 327 kishini tashkil etadigan 0.7 foiz miqdorida, shu jumladan:

— o'n to'rt yoshga to'lmagan bolalari, nogironligi bo'lgan bolalari bor yolg'iz otaga yoki onaga, shuningdek ko'p bolali oilalarning ota-onalar uchun 40,1 foiz (131 kishi);

— umumiy o'rta va o'rta maxsus ta'lim tashkilotlarini, kasb-hunar maktablarini, kasb-hunar kollejlarini hamda texnikumlarni tamomlab, kasbga ega bo'lgan yoshlar hamda "Mehribonlik" uylarining bitiruvchilari, shuningdek oliy ta'lim muassasalarining davlat grantlari bo'yicha ta'lim olgan bitiruvchilari uchun 45,3 foiz (148 kishi);

— O'zbekiston Respublikasi Mudofaa vazirligining, Ichki ishlar vazirligining, Favqulodda vaziyatlar vazirligining, Milliy gvardiyasining, Davlat xavfsizlik xizmatining qo'shinlaridagi muddatli harbiy xizmatdan bo'shatilgan shaxslar uchun 4,6 foiz (14 kishi);

— nogironligi bo'lgan shaxslar hamda pensiyaoldi yoshidagi shaxslar uchun 5,6 foiz (17 kishi), shundan nogironligi bo'lgan shaxslar 14 kishi;

— jazoni ijro etish muassasalaridan ozod qilingan yoki sud qaroriga ko'ra o'ziga nisbatan tibbiy yo'sindagi majburlov choralari qo'llanilgan shaxslar uchun 4,6 foiz (15 kishi);

— odam savdosidan jabrlanganlar uchun 0 foiz (0 kishi) miqdorda ish o'rinlari zaxirasi belgilansin.

2. Bo'stonliq tumani bo'yicha ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslar uchun 2022-yilga kvotalangan ish joylarining miqdori belgilangan korxona va tashkilot ro'yxati ilovaga muvofiq tasdiqlansin.

3. Korxona, tashkilot va muassasalar rahbarlari tomonidan zaxiraga qo'yiladigan umumiy ish o'rinlarining barchasi ijtimoiy muhofazaga muhtoj shaxslarni ishga joylashtirish uchun zaxiraga qo'yilganligi hamda kasblar va lavozimlar, mutaxassisliklar kesimidagi ma'lumotlar va buyruq nusxalari tuman aholi bandligiga ko'maklashish markaziga taqdim qilinganligi ma'lumot uchun qabul qilinsin

4. Vazirlar Mahkamasining 2014-yil 15-sentabrdagi 263-son qarorining ilovasi bilan tasdiqlangan Ish o'rinlarini mehnat sharoitlari va asbob-uskunalarining

jarohatlash xavfliligi yuzasidan attestatsiyadan o'tkazish tartibi to'g'risidagi nizomning 6-bandiga asosan korxona, tashkilot va muassasalarlarda nogironligi bo'lgan shaxslar band bo'lgan barcha ish o'rinlari va kasblar attestatsiyadan o'tkazilishi kerakligi belgilanganligi qayd qilinsin.

5. Korxona, tashkilot va muassasalar rahbarlari ijtimoiy muhofazaga muhtoj va ish topishda qiynalayotgan shaxslar uchun ish joylarining ko'rsatib o'tilgan miqdorini Vazirlar Mahkamasining 2017-yil 5-dekabrda 965-son qarori bilan tasdiqlangan Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga joylashtirish uchun ish o'rinlarining eng kam sonini belgilash va zaxiraga qo'yish tartibi to'g'risida nizomga muvofiq ish joylari sanitariya gigiyena normalariga va xodim o'z majburiyatlarini bema'lol bajarishini ta'minlaydigan mehnat sharoitlariga muvofiq bo'lishini ta'minlasinlar.

6. Ushbu qaror bajarilmaganda, shuningdek, ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslarni ishga qabul qilish asossiz ravishda rad etilganligi uchun tashkilot, korxona va muassasalarning mansabdor shaxslariga nisbatan qonunchilik hujjatlariga ma'muriy javobgarlik qo'llanishi haqida ogohlantirilsin.

7. Ijtimoiy ehtiyojmand aholi qatlamlariga mansub shaxslarni kvotalangan eng kam sondan ortiq miqdorda ishga qabul qilgan korxona tashkilotlarga, O'zbekiston Respublikasi Bandlikka ko'maklashish davlat jamg'armasi mablag'lari hisobidan subsidiya va grantlar ajratish tartibi to'g'risidagi nizomga asosan (ro'yxat raqami 3163, 2019-yil 31-may) belgilangan tartibda O'zbekiston Respublikasi Bandlikka ko'maklashish davlat jamg'armasi mablag'lari hisobidan subsidiya ajratilishi taminlansin.

8. Tuman aholi bandligiga ko'maklashish markazi (A.Inagamov) bir hafta muddatda mazkur qarorni tegishli korxona, tashkilot va muassasalar rahbarlariga yetkazsin hamda uning bajarilishi ustidan qat'iy nazoratni ta'minlasin.

9. Bo'stonliq tuman hokimining 2020-yil 24-sentyabrdagi "Ijtimoiy muhofazaga muhtoj va ish topishda qiynalayotgan shaxslarni ishga joylashtirish uchun ish o'rinlarini 2021-yil uchun band qilib qo'yish to'g'risida"gi 1954-son qarori o'z kuchini yo'qotgan deb hisoblansin.

10. Mazkur qaror rasmiy e'lon qilingan kundan e'tiboran kuchga kiradi.

11. Ushbu qarorning bajarilishini nazorat qilish tuman hokimining birinchi o‘rinbosari, moliya-iqtisodiyot va kambag‘allikni qisqartirish masalalari bo‘yicha birinchi o‘rinbosari T.Abdijabarov zimmasiga yuklatilsin.

Tuman hokimi



J.Axmedov

Бўстонлик туман ҳокимининг
2022 йил 21 майдаги
100-10-136-Q/22-сон қарорига
1-илова

T/P	Xodimlarning ro'yxatdagi o'rtacha soni nafar kishidan ortiqni tashkil etadigan tashkilot nomi	Ijtimoiy muhofazaga muhtoj, ish topishda qiynalayotgan va mehnat bozorida teng shartlarda raqobatlasha olmaydigan shaxslar toifasi							
		Jami ishlovchilar soni	Jami	o'n to'rt yoshga to'lmagan bolalari, nogironligi bo'lgan bolalari bor yolg'iz otaga yoki onaga, shuningdek ko'p bolali oilalarning ota-onalar	umumiy o'rta va o'rta maxsus ta'lim tashkilotlarini, kasb- hunar maktablarini, kasb-hunar kollejlari hamda texnikumlarni tamomlab, kasbga ega bo'lgan yoshlar hamda "Mehribonlik" uyalarining bitiruvchilari, shuningdek oliy ta'lim muassasalarining davlat grantlari bo'yicha ta'lim olgan bitiruvchilari	O'zbekiston Respublikasi Mudofaa vazirligining, Ichki ishlar vazirligining, Favqulodda vaziyatlar vazirligining, Milliy gvardiyasining, Davlat xavfsizlik xizmatining qo'shinlaridagi muddatli harbiy xizmatdan bo'shatilgan shaxslar	Nogironligi bo'lgan shaxslar hamda pensiyaoldi yoshidagi shaxslar (shundan nogironligi bo'lgan shaxslar 10 kishi)	jazoni ijro etish muassasalaridan ozod qilingan yoki sud qaroriga ko'ra o'ziga nisbatan tibbiy yo'sindagi majburlov choralari qo'llanilgan shaxslar	odam savdosidan jabrlanganlar
1.	OOO "OSBORN TEXTILE"	885	62	24	29	3	4	2	0
2.	Burchmullo o'rmon xo'jalik korxonasi	800	56	23	26	2	3	2	0
3.	VII ENERGOQURILISHINDUSTRIYA	392	27	11	13	1	1	1	0
4.	VII BO'STONLIQ TUMANI YO'LLARDAN FOYDALANISH UNITAR KORXONASI	327	23	10	10	1	1	1	0
5.	OBODONLASHTIRISH BOSHOQARMASI	253	18	7	6	1	2	2	0
6.	TOVOQSOY UMFRS	215	15	6	6	1	1	1	0
7.	OOO OQ TOSH SANATORIYASI	167	12	5	5	1	1	0	0
8.	CHOTQOL RM DUK	140	10	4	5	1	0	0	0
9.	OOO UNIVERSAL GOLDEN WING	115	8	3	4	0	0	1	0
10.	OOO WONDERFUL TEXTILE	110	8	3	4	1	0	0	0
11.	OOO GAZALKENT MEVA	90	6	2	3	0	1	0	0

12.	BO'STONLIQ TIKUVCHILARI MCHJ	84	6	2	3	0	0	1	0
13.	OOO CHIMGAN-CHORBOG SUV TA'MINOTI	67	5	2	2	1	0	0	0
14.	MADANIYAT BO'LIMI BO'STONLIQ TUMANI	64	4	2	1	0	1	0	0
15.	BO'STONLIQ TUMAN 1-SON KASB- HUNAR MAKTABI	59	4	2	2	0	0	0	0
16.	BO'STONLIQ TUMAN IRRIGATSIYA	49	3	1	2	0	0	0	0
17.	OOO CHIRCHIQ GO'SHT-SUT SAVDO	34	2	1	1	0	0	0	0
18.	BO'STONLIQ TUMANI AXBOROT KUTUBXONA MARKAZI	23	2	1	1	0	0	0	0
19.	TOZA XUDDUD DUK BO'STONLIQ BO'LIMI	107	7	3	2	0	0	2	0
20.	TOSHKENT SUV TA'MINOTI MCHJ	173	12	5	6	1	0	0	0
21.	17-SON BOLALAR MUSIQA MAKTABI	58	4	2	2	0	0	0	0
22.	18-SON BOLALAR MUSIQA MAKTABI	41	3	1	1	1	0	0	0
23.	XUMSON SANATORIYASI davlat unitar korxonasi	207	14	5	7	0	1	1	0
24.	AO KONVIN	110	9	4	4	0	0	1	0
25.	125-sonli ixtisoslashtirilgan maktab internati	97	7	3	3	0	1	0	0